



官板

純正蒙求

中



宜為卷中

純正蒙求卷中

新安胡炳文 撰

書為訓蒙而作故首叙幼學見趣而氣象言語威儀次之正心術又學者急務遷善改過懲忿窒慾所以加存養之功安貧賤審富貴所以嚴取舍之分儉約謙退廉潔剛正又處富貴之道也故以是終焉

李謙顏回張霸曾子

幼學見趣

李士謙字子約事母孝母嘗嘔吐疑為中毒因舐嘗

之伯父温深所嘆尙稱曰吾家之顏回也

漢張霸字伯饒年數歲知孝謙雖出入飲食自然合
禮節鄉人號爲張曾子七歲通春秋欲進餘經父曰
汝少未能曰我饒爲之其敏如此

温公擊甕寬夫灌水

宋司馬温公幼時與群兒戲一兒墮水甕中群兒譁
皆棄去公獨破甕取兒兒得不死

宋文潞公彦博字寬夫幼時與群兒擊毬入柱穴中
不能取公以水灌之毬浮出二公之仁智蓋已見於
髫鬢時矣

孔融取棗僧孺辭李

漢孔融字文舉四歲與諸兄共食梨棗輒取小者人
問其故答曰我小兒法當取小者由是宗族竒之
王僧孺幼聰明年五歲初授孝經問大旨師曰論忠
孝二事答曰若爾願常讀之有饋其父李者先以一
與之辭而弗受曰大人未見不敢先嘗七歲能讀千
萬言

元晦孝經劉晏朋字

宋朱文公八歲通孝經大義書八字於其上曰若不如此便不成人間從群兒遊獨以沙列八卦端坐默視又指日問其父韋齋先生曰日何所附曰附於天又問天何所附韋齋先生竒之甫十歲自知力學聞長者言輒不忘其穎異如此

唐劉晏字士安八歲舉神童爲正字明皇問曰卿爲正字正得幾字晏曰天下字皆正惟有朋字未正蓋言當時左右皆邪人也

黃香暖席杜衍持竿

東漢黃香字孺文九歲失母思慕骨立事父竭力致孝暑則扇枕寒則以身暖席元帝聞之特加賞賜宋杜正獻公衍字世昌幼時祖父脫帽使公執之會山水暴至家人散走其姑投一竿與之使挾自泛公一手持竿一手持帽久之救免而帽竟不濡

禹偁詠磨平仲吟山

宋王禹偁字元之七歲能文家以磨麪爲生畢文簡公士安令作磨詩元之不思而對曰但存心裏正何愁眼下遲得人輕着力便是轉身時文簡大竒之呼

爲小友。明道程夫子年數歲賦貪泉詩云。中心如自固。外物豈能遷。二公幼時皆知有正心之學如此。寇萊公準字平仲八歲吟華山詩。只有天在上。更無山。與齊其師與準父曰。賢郎怎不作宰相。錢惟演幼時賦遠山詩曰。高爲天一柱。秀作海三峯。其父傲甚。器之。二公幼時皆有宰相器如此。

子韶危坐迂叟絕編

宋張子韶八歲默誦六經。通大旨。十四歲遊郡庠。閉閣終日。寒折膠。暑爍金。不越戶限。比舍生穴隙以視。則斂膝危坐對置。大編服膺匪懈。若與神明爲伍。大相警服而師尊之。

宋司馬溫公幼時患記問不若人。群居講習。衆兄弟成誦遊息矣。獨下帷絕編。逮能背誦乃止。用力多者收功遠。其所精誦。乃終身不忘也。

同叔收賦伯達疑年

宋晏殊字同叔七歲善屬文。號神童。景德初張知白安撫江南。薦之名試。殊見題曰。臣十日前已作此賦。草尚在。乞改命題。真宗愛其不隱。以爲秘書省正字。

置之秘閣。使得盡讀秘閣書。

魏司馬郎字伯達。九歲。人有道其父字者。郎曰。慢人親者。不敬其親者也。客謝之。十二試經。爲童子郎。時監試者。以其身體壯大。疑其匿年。郎曰。郎之內外。累世長大。郎雖長大。無仰高之風。損年以求早成。非志所爲也。監試異之。

程子春風庭堅和氣

氣象

宋程伯子顥。終日端坐。如泥塑人。及至接人。則渾是一團和氣。朱公掞見之于汝南。歸謂人曰。光庭在春風中。坐了一月。

宋張庭堅字才叔。鄒志完稱之曰。是天地間和氣薰蒸所成。欲往相近。先覺和氣襲人也。愿中從容茂叔光霽

宋李愿中延平先生名侗。晦庵先生師也。晦庵常云。先生涵養得。自是別。古人云。終日無疾言遽色。先生真是如此。尋常人出。近處必徐行。遠行必速。先生遠近皆如此。尋常人呼童僕。再四不至。聲必厲。先生呼之不至。不加於前也。其氣象從容如此。

宋子周子名敦頤字茂叔謚元公號濂溪先生黃魯直嘗云茂叔人品甚高胷中洒落如光風霽月

通老粹然原明平易

宋黃中字通老居家孝友篤至與人交恭而信淡而久端莊靜重德容粹然晦庵先生自以其溫厚和平之氣不勝其粗厲猛起之心特裁書請納再拜之禮必欲黃字坐于晦庵再拜之禮公坐而受之自儕於門生弟子之列

宋滎陽呂公希哲字原明嘗云君子氣象難遽形容惟平易安和為近之書曰其心休休焉其如有容焉

謂休休者平易安和無急躁狠戾貪冒之意

郭泰溫恭穆子和粹

後漢郭泰字林宗蔡伯喈嘗曰先生孝友溫恭仁篤慈惠吳冲曰清明寬恕澄之不清撓之不濁高材偉識而不為危言激論常遵疾惡已甚之戒黨錮之際獨不涉議論自重之士也

唐穆寧四子贊質員賞皆和粹世以珍味目之贊少俗然有格為酪質為酥員為醍醐賞為乳腐

李恕防怨馬援惡譏

言語

唐李恕戒子云。凡居百僚之下。言思乃出。行思乃動。勿輒有毀譽。勿輕論得失。申上移牒。言惟謹耳。署必真書。慎勿侮弄刀筆。議翫朋僚。若恣心縱罵。輕出莠言。罵父子怨。罵兄弟怨。既爲怨府。亦謂深讎。劉寬不訶童僕。嗣宗口不臧否。韓子曰。善爲吏者樹德。不善爲吏者樹怨。勉之勉之。

東漢伏波將軍馬援。字文淵。兄子嚴。敦並喜譏議。援在交趾。還書戒之曰。吾欲汝曹聞人有過。如聞父母之名耳。可得聞。口不可得言。好議論人長短。妄是非正法。此吾所大惡也。寧死不願聞子孫有此行也。汝曹知吾惡之甚矣。所以復如此言者。施衿結佩。申父母之戒。欲汝曹不忘之耳。楊龜山先生曰。口固不可得言耳。亦不可得聞。

崔咸疾諂魏公責辭

唐裴度自興元入覲。朝士日擁度門。一日度置酒。劉棲楚矯求度懽曲。躬附度耳而語。崔咸疾其諂。舉觴罰度曰。宰相不當許所由官。囁嚅耳語。度笑而飲之。棲矯不自安。趨出坐客快之。

韓魏公子師朴入市歸。魏公問所買之物價幾何。曰：千三。公責之曰：此俚俗之談，非對尊之辭。當云一貫三百。

趙獻杖子謝氏笞兒

晉趙獻子之子入朝。楚使者至，多隱語。在廷之臣不能答。獻子之子盡答之。歸白獻子。獻子曰：朝臣豈不曉，但有長者姑且讓之耳。爾遽先長者杖之。

吳庠妻謝氏，子賀與賓客談，及人長短得失。夫人屏間聞之，怒笞賀百。或解夫人曰：臧否士之常，胡如是。曰：愛其女者，必取三復白圭之士。妻之今獨產一子，使知義命，而出語忘親，豈可久之道哉。因泣下不食。由是恐懼謹默。

元順鑄價司馬桃皮

北史趙柔字元順，有人遺柔鑄數百枚。柔與子善明鬻之市，有人從柔買柔索絹三十匹。商人知其賤，與柔二十四。善明欲取之。柔曰：與人交易，一言便定，豈可以利動心，遂與之。

宋司馬溫公方五歲，擘一青皮胡桃，不能脫，婢以熱

新正蒙求 卷中
湯沃之。既而女兒從外來，問誰爲脫。曰：某自脫。父叱曰：小子安得謾語。公自此有省，終身不敢妄語，待人唯以至誠爲尙。

忠定肩竦節孝頭直

威儀

宋劉忠定公安世元城先生，見賓客，議論踰時，體無欹側，肩背竦直，身不少動，至手足亦不移。

宋徐積自言：初見安定先生，瑗退，頭容少偏。安定先生厲聲曰：頭容直。某因自思：不特頭容直，心亦要直。自此不敢有邪心。

瑗車聲管寧榻跡

衛靈公與夫人夜坐，聞車聲磷磷至闕而止。過闕復有聲，公問夫人曰：知此爲誰？夫人曰：此蘧伯玉也。公曰：何以知之？夫人曰：妾聞禮下公門，式路馬，所以廣敬也。夫忠臣與孝子，不爲昭昭信節，不爲冥冥墮行。蘧伯玉，衛之賢大夫也，仁而有知，敬於事上，此其人必不以暗昧廢禮，是以知之。公使人視之，果伯玉也。後漢管寧嘗坐一木榻，積五十餘年，未嘗箕股，其榻上當膝處皆穿。

明鎬尊嚴韓琦英特

宋薛簡肅公名奎知開封府明叅政鎬為曹官簡肅待之甚厚直以公輔期之有問於公何以知其必貴公曰其為人端肅其言簡而理盡凡人簡重則尊嚴此貴臣相也

宋韓忠獻公琦姿貌英特骨骼清聳眉目森秀圖繪傳天下人以為如高山大嶽望之氣象雄傑而包含細微畜泄雲氣藏匿寶怪蓋可知也

晦叔盛服文恭正色

宋呂正獻公公著字晦叔簡重清靜出於天性冬不附火夏不揮扇楊懷寶字器之視公為親舅將赴倅來辭公西牕下盛服對飲三酌時烈日器之汗流浹背公凝然不動

宋胡文恭公宿為人清儉謹默內剛外和群居笑語誼譁獨正顏色溫然不動聲氣與人言必思而後對客有造公者具公服靴版忘記易帽公與之對語盡禮而退終未嘗色動

盛濤一語伊川四箴

正心術

宋劉器之云。盛待制名濤嘗有一語可取云。士大夫行已正如室女。常須置身法度中。不可受人指點。宋程叔子名頤字正叔。謚正公。號伊川。嘗作四箴序云。顏淵問克己復禮之目。子曰。非禮勿視。非禮勿聽。非禮勿言。非禮勿動。四者身之用也。由乎中而應乎外。制於外。所以養其中也。顏淵事斯語。所以進於聖人。後之學聖人者。宜服膺而勿失。因箴以自警。朱文公曰。程子之箴。發明親切。尤宜深玩也。

彥國防意思永平心

宋富文忠公弼字彥國。年八歲。書坐屏云。守口如瓶。防意如城。在公且然。况他人乎。

宋彭思永好學不倦。嘗曰。吾不爲他學。自幼卽學平心。歐陽脩好學不倦。常以平心爲難。

橫渠先禮南軒叙仁

宋橫渠先生張載。教學者必先自禮而入。且曰。學禮卽便除去了。世俗一副當習熟纏繞。譬之延蔓之物。解纏繞卽上去。苟能除了一副當世俗。便自然脫洒。又曰。學禮則可以守得定。程叔子曰。子厚先以禮教。

學者最善先有所據守。

宋南軒先生張栻字敬夫謚宣公曰仁者天地之心天地之心而存乎人所謂仁也人而無仁心則人道亡矣遂以論語中言仁處叙爲一帙而解釋之。

康節論鬼迂叟事神

宋康節先生邵雍字堯夫嘗曰人之畏鬼亦猶鬼之畏人人積善而陽多鬼益畏之矣積惡而陰多鬼弗畏之矣大人與鬼神合其吉凶何畏之有。

宋司馬溫公號迂叟嘗曰或問迂叟事神乎曰事神或曰何神之事曰事其心神或曰其事之何如曰至簡矣不黍稷不犧牲惟不欺之爲用君子上戴天下履地中函心雖欲欺之其可得乎。

清獻焚香康靖置豆

宋趙清獻公抃字閱道平日所爲事夜必焚香以告天不可告者則不敢爲也。

宋趙康靖公名槩平日嘗置瓶豆二物於几案間每念起必隨善惡別之善則投一白豆於白瓶中惡則投一黑豆於黑瓶中初則黑豆絕多旣而漸少久

則絕無瓶豆亦不復用矣。

徐積買肉宗道飲酒

宋節孝處士少時爲母置膳先過一屠肆中心欲買其肉而別路於歸路爲近且亦有屠肆因自念中心許買彼肉捨而之他不欺心乎復迂道買肉而歸且云已之行信自此始。

宋魯質肅公宗道字貫之爲太子諭德一日真宗召之使者至門而公不在移時乃在市肆飲歸中使與公約曰上若怪公來遲當託何事公曰但以實對中使曰然則得罪公曰飲酒人之常情欺君臣子之大罪中使嗟嘆而去真宗問之具如公言以對自此竒公以爲忠實可用其後立朝剛正。

伯起四知和靖六有

漢楊震字伯起將守東萊道經昌邑故所舉茂材王密爲昌邑令夜懷金十斤以獻震曰故人知君君不知故人何也密曰莫夜無知者震曰天知地知子知我知何謂無知密愧而去故贊曰震畏四知。

宋和靖先生尹焞字彥明處一齋名曰六有所謂言

有教動有法。晝有為。宵有得。息有養。瞬有存。又一室名曰三畏。畏天命。畏大人。畏聖人之言。

志完檢點無垢操守

宋鄒志完云。聖人之道。備于六經。六經千門萬戶。何從而入。大學與中庸一部。其要在慎獨而已。於十二時中。看自家一念從何處起。即檢點不放過。便見工夫。

宋張無垢云。操守欲正。器局欲大。識見欲遠。三者有一。便可立身。

李勣贈刀范丹佩韋

遷善改過懲忿窒慾

唐文瓘字稚圭為并州參軍。時李勣為長史。嘗嘆曰。稚圭今之管簫。吾所不及。勣入朝。文瓘與二同僚皆餞。勣贈二人寶刀玉帶。而不及文瓘。瓘以疑請。勣曰。某人猶豫少決。故贈一刀。欲其果於斷。某人放誕少檢。故贈以帶。俾其自約束。若子之才。無施而不可焉。用贈。晉董安于性寬緩。常佩絃以自警。漢范丹自以狷急。不從容。常佩韋以自戒。西門豹亦如之。朱文公父韋齋先生亦患性急。猶自號韋齋。

援戒效杜昶願師徐

後漢馬援戒兄子書云。龍伯高敦厚周慎。口無擇言。謙約節儉。廉公有威。吾愛之重之。願汝曹效之。杜季良豪俠好義。吾愛之重之。不願汝曹效之。效伯高不得。猶爲謹飭之士。所謂刻鵠不成。尙類鶩者也。效季良不得。陷爲天下輕薄子。所謂畫虎不成。反類狗者也。

魏王昶戒子歆云。潁川郭伯益尙好通達敏而有知。洪廣不足。輕儇有餘。得其人重之。如丘山。不得其人。忽之。如草芥。吾以所知親之。昵之。不願兒子爲之。北海徐偉長不沽高名。不求苟能。澹然自守。惟道之務。其有所是非。則託古人以見意。當時無所褒貶。吾敬之重之。願兒子師之。東平劉公幹博學有高才。誠節有大義。然性行不均。少所拘忌。得失足以相補。吾愛之重之。不願兒子慕之。樂安任昭先淳粹履道內敏。外恕推遜恭儉。處不避汙。怯而勇義。在朝忘身。吾友之善之。願兒子尊之。

幼安知過伯玉悟非

魏管寧字幼安泛海舟欲覆乃曰吾嘗一朝科頭三晨晏起過皆在此時夜風晦冥舟人盡噤莫知所泊望見有火光輒趨之得島無居人又無火燼行人咸以為神光之佐積善之應也

衛蘧伯玉莊周云伯玉行年五十而知四十九年之非又曰伯玉行年六十而六十化

陸客五分陳公斗餘

唐陸扈為相日有士人來謁陸命酒勸之辭曰天性不飲公曰誠如所言也已校五分蓋平生悔吝若有十分不為酒困自然減半

宋陳瓘字瑩中有斗餘酒量每飲不過五升雖會親戚間有歡適不過太別本太作大白滿飲恐以長飲廢事

萊公六悔融堂八忍

宋寇萊公準有六悔箴曰官行私曲失時悔富不儉用貧時悔藝不少學過時悔見事不學用時悔醉發狂言醒時悔安不調攝病時悔

宋錢時融堂曰天下事未有不成於忍而敗於不忍甚矣忍之一字其切於學者之日用也是故言語不

謹以至於招羞取辱者在乎不能忍口飲食不節以至於稔疾傷生者在乎不能忍饑寒飢之所驅迫寡廉鮮耻以至於爲乞爲盜者在乎不能忍貧橫逆之來怫然有動于中以至於速禍在乎不能忍辱爲物所忤爲氣所膺一朝之忿忘其身以及其親雖欲噬臍而悔莫贖在乎不能忍怒謹獨之不嚴以至於縱情而不知檢傷風亂倫爲禽獸行而不知耻者在乎不能忍慾身履危難不顧分義幸安苟免隳喪名節在乎不能忍死嗜進而無厭貪多而無已巍然處高位而于名犯分卒以稔成亂賊之禍者在乎不能忍富貴

屏山論復定夫名損

宋劉屏山胡籍溪劉致中三先生爲道義交相見講學外無一雜言聞人有片善無不從容咨叩後生來問學亦隨其器識告語成就終日無倦朱夫子請問平生入道次第屏山曰吾於易得入道之門所謂不遠復吾三字符也汝尙勉之

宋游酢字定夫察其子性剛名之曰損且曰損君子

以懲忿窒慾蓋以忿則凌物慾則溺已二者皆所當損也

元城絕慾希哲處忿

宋劉元城先生謫嶺表慨然自念奉父母遺體而投南荒恐不生還忽憶先正云北人在瘴烟之中惟絕慾可以不死自是絕至于今更不復作大丈夫自誓不爲則止耳何必用術趙清獻欲絕慾不能乃掛父母畫像於卧榻偃仰其下而父母具衣裳監視於上不亦瀆乎

宋呂榮陽公希哲或問爲小人所詈辱當何以處之公曰上焉者知人與己本一何者爲詈何者爲辱自然無忿怒心次焉者且自思曰我是何等人彼爲何等人若是答他却與此人等也如此自處忿心亦自消

任布古文胡瑗素問

宋任恭惠公布與呂公蒙正同年進士任公登樞府年耆康強呂公詢其服餌之法任公曰吾不曉養生之術但中年讀文選有所悟耳所謂石韞玉以山輝

水含珠而川媚此言有理呂公深以爲然

宋胡瑗爲國子先生有大商遣子入學子儼宥所賞千金而病甚瘠若將斃焉先生曰宜先警其心而後誘之以道也取素問使讀之未竟惴惴然懼伐命之過痛悔自責冀可自新先生知其已悟召而誨之曰知愛身可以脩身自今其洗心向道取聖賢之書次第讀之聖人不貴無過貴改過無懷昔悔第勉事業其人亦穎銳善學三年登上第而歸

榮叟至樂顏蠲自娛

安貧賤

榮啓期行乎郕之野鹿裘帶索鼓琴而歌孔子問曰先生所以爲樂者何也期對曰吾樂甚多而至者三天生萬物吾得爲人一樂也男女之別吾得爲男二樂也人生有不免襁褓者吾行年九十矣三樂也貧者上之常死者人之終吾何憂哉

顏蠲與齊王遊食必大牢出必乘車妻子衣服麗都蠲辭去曰玉生於山琢則破焉非不寶貴也然而璞不完士生於鄙野推選則祿焉非不尊遂也然而形神不完蠲願得歸晚食以當肉安步以當車無罪以

當貴清靜真正以自娛。

弘景畫牛莊周生龜

梁陶弘景氏帝屢聘不出唯畫兩牛其一牛散放着水草間一牛着金籠頭有一人以杖驅之帝笑之曰此人欲効曳尾之龜豈可致之

莊周梁惠王時為蒙縣漆園吏楚威王以百金聘周周方釣濮水之上曰楚有龜死三千年矣今巾笥而藏之於廟堂之上此龜寧生而曳尾於塗中耳子往矣吾方掉尾於塗中

魯望茶竈元亮藍輿

唐陸龜蒙字魯望家有田苦下雨潦則與江通故常

苦飢身畚鍤祿刺無休時或譏其行答曰堯舜別

本衡作瘠大禹胼胝彼聖人也吾一褐衣敢不勤乎又作

又性嗜茶或時升舟設蓬席齋束書茶竈筆床釣具

往來時謂江湖散人或號天隨子

晉處士陶淵明字元亮閒靜少言不慕榮利環堵蕭

然不蔽風雨短褐長結簞瓢屢空晏如也江州刺史

檀道濟餽以梁肉不受後刺史王弘欲識之不能致

聞淵明欲往廬山。令其故人龐通迎之。齋酒具半道栗里之間。邀之。淵明有脚疾。使一門生二兒舁籃輿去。既至。欣然便共飲酌。俄頃弘至。亦不忤也。遂終身不肯仕宋。世號靖節先生。

道原貂褥無已綿衣

宋劉恕字道原。家貧。至無以給。甘旨一毫不妄取於人。自洛陽南歸。時已十月。無寒具。溫公以衣襪一二事。及舊貂褥。饋之。固辭。強與之。行及潁州。悉封而還。溫公曰。於光而不受。他人可知矣。

宋陳師道字無已。號后山居士。苦節厲志。未仕。貧無以養。寄其孥婦氏家。章惇又召見。不往。有知其貧者。懷金欲餽之。觀其貌。聽其言。竟不敢出。冬寒。趙挺之貽綿衣。不受。寧凍以至於死。

胡宿進退朱震出處

審富貴

宋胡宿文恭公。平生守道。進退一不介意。在文館二十餘年。每語後進曰。富貴貧賤。莫不有命。士人當修身俟時。無爲造物者所唾。

宋朱震字子發。被召。問胡安國以出處之宜。安國曰。

子發學易二十年。至有成說。則此事當素定矣。世間講學論政。當切詢究。若夫去就語默之機。如人飲食。饑飽寒溫。必自斟酌。不決諸人。亦非人所能決也。某之出處。皆斷於心。後亦少悔。浮世名利。蟻別本蟻過前。何足道哉。

司空休休貫之唯唯

唐司空圖字表聖。擢進士。王凝辟至幕府。名爲御史。不忍去。凝府後隱居王官谷。不出。作亭名休休。曰。量材一宜休。揣分二宜休。耄曠三宜休。又少也。墮長也。率老也。迂三者非濟時具。則又宜休。

唐韋貫之名。純字以行。或薦之。京兆尹李實舉筆別本筆示所以薦。曰。此其姓名也。素聞其賢。願識之。作務而進于上。或喜以告。韋曰。子今日詣實。明日賀者至矣。貫之唯唯。不往。官亦不遷。

表微監察韋澳御史

唐韋表微字子明。監察御史。裏行。不樂曰。爵祿譬滋味也。人皆欲之。吾年五十餘。剪白眉。遊少年間。取一班一級。不見其味也。將爲松菊主人。不愧淵明矣。

唐韋澳貫之之子。方靜寡慾。十年不肯調。御史中丞高元裕與其兄溫善。欲薦之。諷澳謁已。溫歸以語澳。不答。溫曰。元裕端士。若輕之邪。澳曰。然。恐無呈身御史。

百能語朋魏公戒子

宋胡百能跋邵德升分定錄云。先君常云。人生所享。厚薄各有分。世有以智力取者。自謂已能。不知皆其分所固有。初不可毫末加。所可加者。徒得小人之名。而不悟。悲夫。某佩斯訓。未嘗不以語朋友也。

宋韓魏公尤知命。每戒其子曰。窮達禍福。固有定分。枉道求之。徒喪所守。謹勿爲也。子以孤忠自信。未嘗有夤緣憑藉。而每遭人主爲知己。今忝三公。所恃者公道與神明而已矣。焉可誣也。

王熊餅緣孝先饅頭

儉約

宋王熊性儉。嘗有臺使至。熊爲設食。使乃裂去餅緣。熊曰。耕種收穫。其功已深。春糞造成。用力不少。爾之選擇。當是未餓。命左右徹去。使者愕然大慚。

宋王沂公曾與孫冲同榜。冲子京一日往辭沂公。相

留云喫食了去。飭子弟云。已留孫京喫食。安排饅頭。時爲盛饌。食後送數軸簡紙。開看皆他人書。後截下紙。其儉德如此。

東坡三養景初四休

宋蘇文忠公軾有三養之說。云。一曰安分以養福。二曰寬胃以養氣。三曰省費以養財。且云。自今日已往。早晚食不過一爵一肉。有尊客則三之。可損不可增。有召我者。預以此告之。主人不從而過。是者乃止。此亦可爲養生之法。

孫景初號四休居士。其說曰。粗茶淡飯。飽則休。補破遮寒。煖則休。三平二滿。過則休。不貪不妬。老則休。山谷以爲安樂法。

文靖治第忠敏無樓

宋李文靖公沆字太初。治居第於封丘門外。廳事前僅容旋馬。或言其太隘。公曰。居第當傳之子孫。此爲宰相廳事。誠隘。爲太祝奉禮廳事。則已寬矣。

宋寇愍忠公準。官至政府。不起第宅。處士魏野贈以詩曰。有官居鼎鼐。無地起樓臺。墓銘有云。公旣貴。得

月俸置堂上。有老媪泣曰。太夫人捐館時。欲一絹作衣衾。不可得。不及見公今日也。公為之大慟。故居家儉素。所卧青幃。二十年不易。或曰。公頗事奢侈。非也。蓋公多興藩。公會宴設則甚盛。亦退之。所謂甌石之儲。常空於私室。方丈之食。每盛於公筵。

乖崖角帶晏嬰狐裘

宋張忠定公乖崖剛毅寡慾。惟着皂繡袍角帶。不事外飾。自奉養逮于服玩之具。則寡薄儉約。雖寒士不若也。公退闢靜室。焚香靜坐。聚書萬卷。往往手自校

正絕無聲色之好

朱子訓蒙書云。凡日中所着衣服。夜卧必更。則不藏蚤虱。不即弊壞。苟能如此。不但威儀可法。又可_不費衣。晏子一狐裘三十年。雖意在以儉化民。亦其愛惜有道也。

文忠靜晦益公謙恕

顯。反沈晦。不似。

謙退

歐陽文忠公修曰。藏精於晦。則明。養神於靜。則安。宋周益公必大曰。易六十四卦。惟謙六爻皆吉。又一信。終身可行。曰。恕。故處已以謙。待人以恕。出於自然。

無所矯拂

正獻瓦合周瑜醇醉

宋杜正獻公衍門生爲縣令杜戒之曰子之才器一縣令不足施然切當韜晦無露圭角毀方瓦合求合於中可也不然無益於事徒取禍爾

吳程普頗以年長數侮周瑜周瑜折節容下終不與校普後自敬服曰與周瑜交如飲醇醪不覺自醉時人以其謙讓服入如此

復之讓解仲翁辭位

宋張泳字復之與張覃取大名府解試罷衆謂公名居覃之上公上府帥書言覃之德行於鄉里有古人風以某之文近覃之文未可知覃之行實過某萬萬矣遂薦覃爲解元公常曰士君子當以德義相先不然不足以爲士矣

漢疏廣字仲翁兄子受好禮恭謹敏而有辭宣帝立太子廣爲太傅受爲少傅朝廷以爲榮在位五歲廣謂受曰吾聞知足不辱知耻不殆功成身退天之道也今仕宦至二千石官成名立如此不去懼有後悔

豈如父子相隨出關歸老故鄉以壽命終不亦善乎。受扣頭曰從大人議即日父子俱稱病乞骸骨辭位而去公卿設供帳祖道東都門外車數百兩道路觀者多嘆息泣下共言其賢。

子房赤松公孫大樹

西漢張良字子房高祖六年封功臣曰運籌帷幄決勝千里皆子房功也令自擇齊三萬戶良曰始臣起下邳與上會留願封留足矣後又曰良家世相韓及韓滅不愛千金之資爲韓報仇今封萬戶位列侯布衣之極於良足矣願棄人間事從赤松子遊赤松子仙號子房之明達豈不知其爲虛誕蓋托此等功名於物外置榮利而不顧耳。

漢馮異字公孫謙退不伐進止有表儀行逢諸將輒避道諸將論功異獨屏退樹下軍中號大樹將軍後北地豪傑悉降異不自伐諸將又分其功光武下璽書曰征西功若丘山猶自以爲不足孟之反奔而殿亦何異哉薨諡節侯。

包老戒濫真公訓廉

廉潔

閻慶王
若少恐
一子包老

宋包孝肅公拯知開封府京師語曰關節不到有閻羅包老嘗有家訓云後世子孫仕宦有犯賊濫者不得放歸本家亡沒之後不得葬於大塋中不從吾志者非吾子孫共三十七字下押字又云仰珙立石於

堂東壁以詔後世

珙八十八歲也石上五
若少恐一子包老

宋真文忠公德秀字希元號西山先生守潭州有訓吏文以四事為勸一曰律已以廉下註云萬分廉潔只是小善一點貪污便成大惡不廉之吏如蒙不潔雖有他美莫能自贖故以此為四事之首

虞愿見石處默飲泉

南史虞愿字士恭為晉安太守海邊有越王石常隱霧相傳云清廉太守得見愿往就觀清徹無所隱蔽晉吳隱之字處默有清操拜廣州刺史未至州二十里石門有水曰貪泉飲者懷無厭之欲隱之至泉所酌而飲之因賦詩云古人云此水一飲懷千金試使夷齊飲終當不易心至州清操愈厲

山濤藏絲溫叟封錢

晉山濤為右僕射初袁毅為鬲令貪濁賂遺公卿以

求盧譽亦遺濤絲百斤濤不欲異於時受而藏諸閣上後毅事露凡所受賂皆見推檢濤取絲付吏積年塵埃封印如故

宋劉溫叟太宗在晉邸聞其清介遣府吏賫緡錢百千遺之溫叟不敢却貯廳事西舍令府吏封識乃去明年重午復送角黍紈扇吏視西舍封識宛然吏還白太宗曰我送猶不受况他人乎

趙抃匹馬褚瑤單舡

趙清獻公抃字閱道初任成都携一龜一鶴以行再任屏去龜鶴止一蒼頭執事張學士裕以詩送之云馬諳舊路行來滑龜放長江不共來神宗卽位召知諫院上謂公曰聞卿匹馬入蜀以一龜鶴自隨爲政簡易亦稱是耳

吳楮瑤字孔珽罷烏陽縣單舡而歸故人太子中庶子楊衡乞土宜瑤乃抽舡上竹一竿與之曰東南之美唯竹箭最真而有節幸堪歲寒庶子聞之使人往觀唯竹筥一枚蘆襪數領遂用爲昭信中郎

伯恭戒弱次山惡曲

剛正

宋東萊呂成公祖謙作書說云弱者天下之大害學者之大患人之所以不能爲善者多是不能立志故洪範以弱立於六極之後大抵爲善生於剛萬惡之原生於弱

唐元結字次山操守剛正嘗作惡曲文云吾輩全直三十年未嘗曲氣以轉聲曲辭以達意曲視以回目曲步以便往

元絃斷判邦衡奏牘

唐李元絃爲雍州司戶太平公主與僧爭碾磴元絃斷還寺僧竇懷貞爲雍州刺史懼太平勢促令改斷元絃大書判後曰南山或可改移此判終不可搖動懷貞不能奪

宋胡銓字邦衡號澹菴先生紹興初秦檜主和議言不使者輒罷公上疏乞斬秦檜檜白上竄新州王庭珪作詩送之有百辟動容觀奏牘幾人回首愧朝班之語南軒云澹菴大節極好至如諫牘須與日月爭光

邢峙邪蒿夷吾惡木

南齊邢峙字士峻方正淳厚爲國子助教厨進太子饌菜有邪蒿峙觀之曰此菜名不正非殿下所宜食管子曰十士懷耿介之心不蔭惡木之枝惡木尙耻之而况與惡人同處

敦復老桂稚圭秋菊

宋晏敦復力詆和議秦檜使人許之曰公若曲從兩地旦夕可至公曰吾終不以身計誤國况吾薑桂之性到老愈辣

宋韓魏公琦字稚圭自幼性醇一無邪曲每謂保初節易保晚節難故晚節事事着力所立特完詩云不羞老圃秋容淡且看黃花晚節香意可知矣

右一百二十句叙立身行己之事

